

Gvangjsih Minzcuz Bau

广西民族报 ganhhau: CN45-0036 B.2020 Nd.8 Ng.26 liggaeuq genceij nienz ndwencaet cobet

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3438 geiz
Geiz neix 8 banj

Sihlinz Yen Banh Aenban Sonlien Daih' It Gaiq Hag Sawmyauz Caeuq Dinfwngz Boq Aenvenz

8 nyied 21 hauh daengz 25 hauh, Sihlinz Yen aenban sonlien daih' it gaiq hag Sawmyauz caeuq dinfwngz boq aenvenz youq ndaw yienh banh. Miz 80 lai boux beixnuengx Myauz-
cuz gyaemaiz Sawmyauz caeuq aenvenz de daj ndaw yienh gak hangznib doxcomz daeuj aenban neix hag Sawmyauz caeuq dinfwngz boq aenvenz. Aenban neix youz Sih-

linz Yenveij Dungcanbu (Minz-
cunghgiz) 、Sihlinz Yen Myauzyozvei doxgap banh.

Ciuq cam rox, baez sonlien neix youh son lijn youh bae yienhciegz yawj vunz son hag, gyoengq bouxhag haengrengz hag gij vah Siz Ginbingz cungsiuhgi gangj gagsaenq vwnzva bonjfaenh、gij cihsiz giekdae Sawmyauz caeuq baenzlawz boq aenvenz

daengj. Baez sonlien neix roengz ndei giekdae maenhwnngq bae, hawj gyoengq beixnuengx Myauzcuz sw-
siengj cwngci lijn suiyingz hwnj lai sang, lai rox Sawmyauz Vahmyauz caeuq lai rox boq aenvenz, lai ndaenggon, gyaak hawj minzcuz doxgiet baenaj, caiq ndaej swncienz vwnzva minzcuz.

(Veiz Meijsui)

Vunzlai Yinhcwngz Guh Man Ndae Gvaq Saedceij Siujgangh Moq



“Eu cit fwen ndeu hawj dangj dingq, ceiq miz-
mingz dwg man Yinhcwngz, mbouj saenq mwngz bae cam vunz biengz, de daengz Baeking soengq vuengz-
dae-……” 8 nyied 20 hauh, youq Yinhcwngz aen dieg-
goek yienghndei guh man henho dinfwngz man, bouxfucwz aen dieggoek neix heuhguh Lanz Beizvwnz angq eu cit fwen ngamq bien neix. Ciuq cam rox, aen dieggoek neix moix bi banh geiz aenban sonlien guh man ndeu doxhwnj, geiz sou 20 bouxhag ranzungzhoj, geiz sonlien baenz ndwen bae. Gyoengq bouxhag hag ndaej dinfwngz le, youz dieggoek hawj hong guh; neix bingz-
yaenz bouxhag ndeu bi lai ndaej 1.5 fanh maenz haeuj daeh.

Gveigangj: Baengh Ginhyungz Okrengz Doinyoengx Minzcuz Doxgiet Baenaj

Gveigangj Si dwg ranghdieng vunz siujsoq minzcuz comzyouq haemq lai, miz 23 aen minzcuz baudaengz Boux-
cuengh、Bouxgun、Yauzcuz daengj comz youq gizneix, sojmiz vunz ndaw si ndawde vunz siujsoq minzcuz ciemq 14.76%. Geij bi doxgyawj neix, Gveigangj Si Ginhyungzban ok rengz ginhyungz liuxcaez doinyoengx minzcuz doxgiet baenaj, guh baenz guh ndei haujlai saeh.

Bi 2019 daengz bi neix 7 nyied, Gveigangj Si Ginhyungzban faenbied

fat daigvanj 5362.55 fanh maenz、2361.95 fanh maenz hawj song aen minzcuz yangh, fat 2639.74 fanh maenz daigvanj hawj aen yangh ndaej dangq minzcuz yangh ndeu.

Suenq daengz bineix 7 nyied, daengx si ginhyungz gihgou gyonjsuenq youq song aen minzcuz yangh (Majlen、Gozanh) fat 5692 fanh maenz gij daigvanj soq iq banggunz, youq aen yangh ndaej dangq minzcuz yangh ndeu (Dabungz) fat 1820 fanh maenz gij daigvanj soq iq banggunz, okrengz

coengh dieg siujsoq minzcuz guh baenz guh ndei hong banggunz.

Suenq daengz bineix 7 nyied, daengx si gungh laeb 1801 giz fugsah coengh nungzminz aeu cienz okdaeuj, 1692 aen can fugsah lajmbanj ginh-
yungz, aensiz fugsah nungzyez nungzcunh nungzminz banh saeh ginhyungz de cungj miz dohdaengz, guh baenz guh ndei hong fugsah vunzlai dieg siujsoq minzcuz banh saeh ginhyungz.

(Gveigangj Si Ginhyungzban)

SIUSIK DINJ

● 8 nyied 20 hauh, Mungzsanh Yen comz ganbu cizgungh gauj gij cihsiz “cauhguh aensingz vwnz-
mingz”. Gij daez ndaw gaujsi cungj dwg gij cihsiz giekdae caeuq gij cihsiz youqgaenj gvendaengz baez genjcaz neix. Daengx yienh gak yanghcin、gak danhvei ganbu cizgungh 5000 lai vunz camgya gaujsi.

(Gvanj Sinh)

● Daj bi' gyai doxdaeuj, Sinhcin Si Lungzgangj Gih roengz 160 lai fanh maenz youq Cingsih Si Nanzboh Yangh Suhliz Cunh hwnqguh gizdieg ciengx mou gyawj 3000 bingzfanghmij 112 aen ranz mou, neix dangq yiengh ginghci vunzlai ndaw cunh, co hawj gij gunghsw ciengx mou, couh hawj yiengh ginghci vunzlai ndaw cunh neix ndaej 8.5 fanh maenz haeuj daeh.

(Hij Cunghliuz)

● Bineix Lozcwngz Mulaujcuz Swciyen guh ndei hong seizndat seizcou ciu-
heuh vunz dangbing, ndawde gungh miz 866 bouxcoz hab nienzgeij bauqmingz, ndawde miz 30 bouxcoz mehmbwk, 306 boux daih-
hagseng. Dangqnaj miz 109 bouxcoz youq ndaw yienh genjcaz ndang hab iugouz lo, ndawde 95% dwg bouxcoz siujsoq minzcuz — bau-
daengz Mulaujcuz、Boux-
cuengh、Myauzcuz、Yauzcuz、
Dungcuz、Veizcuz daengj.

(Lij Gunhdwz)

● Daj bi' gvaq daengz seizneix, Bingzgei Gih vix-
yinx minzyingz giyez okrengz dawzcinj banggunz cunh gungzhoj — “aen giyez coengh aen cunh ndeu” “lai aen giyez coengh aen cunh ndeu”, doinyoengx 59 aen minzyingz giyez coengh 40 aen cunh dieg minzcuz, ndawde 30 aen minzyingz giyez coengh 6 aen cunh “Dujyauz(nga Yauzcuz ndeu)”; gyonjsuenq gungh guh gvaq 62 aen hanghmoeg banggunz, roengz 2785 fanh maenz, 1.4 fanh vunz ranzungzhoj ndaej coengh.

(Lij Cuivaz)